



XI. 1⁸ = Q.

(cat. 4, 22-33^b)

1.
2.
3.
4.
5.
6.
7.
8.
9.
10.
11.
12.
13.
14.



*de concessis promotionibus supremor. honorum
in Jure etiam extra facultatem in Academi-
Lipsiensi.* 28

PRO-CANCELLARIUS

JOH. CHRISTIANUS KOENIGK,

JUR. UTR. DOCTOR, ET FACULTATIS
JURIDICÆ LIPSIENSIS ASSESSOR,

**LECTIONEM CURSORIAM,
CRASTINA LUCE,**

DIE XXII. MARTII, HORA XI.

ET

DISPUTATIONEM INAUGURALEM

ALTERO DIE AB HORA VIII. USQUE XI.

A

NOBILISSIMO ET CLARISSIMO

JOHANNE FRIEDLIEB VOCKEL,

OSSATIENSI MISNICO,

HABENDAS,

SIMULQUE

SOLENNEM EJUS PROMOTIONEM DOCTORALEM,

EO IPSO DIE CELEBRANDAM,

INDICIT.

28

PRO-CANCELLARIIS
JOH. CHRISTIANUS KOENIG
RUR. URS. DOCTOR ET HONORABILIS
LECTIO IN M. CURSORIAM
DISPUTATIONEM IN HAUCURALEM
NOBILISSIMO ET CLARISSIMO
JOHANNI FRIEDRICH VON
ORGANISMISSIMO
SIND
SIND



Rem novam, bono auspicio, &, quod
DEUS jubeat, felici successu, nunc
aggredimur, dum ex singulari Gratia
Serenissimi & Potentissimi
Principis ac Domini, Domini
FRIDERICI AUGUSTI,
Regis Poloniarum, Magni Ducis Lithua-
niæ, Russiæ, Borussia, Samogitiæ, Volhiniæ,
Podoliæ, Podlachia, Livonia, Smolenciæ,
Severia & Czernichovia, Ducis Saxonie,
Julia, Clivia, Montium, Angria & West-
phalia, Sacri Romani Imperii Archi-Mare-
schalli & Electoris, Landgravii Thuringia,
Marchionis Misnia & superioris inferioris-
que Lusatiæ, Burggravii Magdeburgi, Co-
mitis Principali Dignitate Hennebergici,
Comitis Marca, Ravensbergæ & Barby, Dy-
nastæ in Ravenstein &c. &c. Domini Nostri
Clementissimi, in posterum Promotiones etiam extra
Facultatem supremos honores Licentiatuæ & Docto-
ratus

ratus in Jure ambientium fumus suscepturi. Haec enim a fundatione hujus Academiae, & in ea Facultatis nostrae Juridicae, ultra tria secula, quantum ex statutis nostris & annalibus constat, invaluit, omnes illos, qui coram Collegio nomen suum sunt professi, & gradum Doctoris assumere secum constituerunt, ad Facultatem usquequaque promotos, & exinde omnium jurium, quibus illa gaudet, participes fuisse redditos. Quam consuetudinem Majores nostri exacte custodiverunt, ut latum unquam ab ea recedere religioni sibi duxerint, memores dubio procul versus Enniani:

Moribus antiquis stat res Romana virisque.

Equidem novitates non esse inducendas, nec observantias antiquas & consuetas immutandas, ostendunt l. 5. ff. de decret. ab Ordin. faciend. & l. i. C. vestig. nov. instit. non poss. cum juxta **Wesembecium** ad tit. ff. quod quisque jur. in al. stat. n. 2. & Ant. de Butrio in c. 8. x. de consangu. & affinit. sint suspectae & periculosae, adeoque, quoad ejus fieri potest, vitandae, c. 3. x. d. t. l. 2. ff. de constit. Princip. Hinc Pontifex **Honorius III.** Capitulo Parisiensi hunc in modum rescripsit: cum consuetudinis ususve longaevis non sit levis autoritas, & plerumque discordiam pariant novitates, autoritate vobis praesentium inhibemus, ne absque Episcopi vestri consensu immutetis Ecclesiae vestrae constitutiones & consuetudines approbatas, vel novas etiam inducatis, uti hoc ex c. 9. x. de consuetud. apparet. Et de Imperatore, **CAROLO V.** relatum legimus, ipsum
Filio

Filio suo, PHILIPPO II. Regi Hispaniarum, cum eē
Bruxellis die 25. Octobr. 1555. regimen Belgicarum
Provinciarum cederet, præmissa de observandis anti-
quis consuetudinibus serua admonitione, ne quid inno-
uaret, aut faciles aures innovationem suadentibus præ-
beret, injunxissē. Jo. Paul Felwinger, P. P. Altdorf. in
Disp. de novitatibus in Republica vitandis, §. 8. Ve-
rum enim vero ut largiamur, mores pristinos non
facile esse immutandos, inque eorum locum novitates,
sæpius præter spem & opinionem noxam post se tra-
hentes, introducendas: non tamen, ut credamus, in-
duci possumus, regulam hanc sine discrimine accipi,
ita, ut nulla omnino mutatio eorum, quæ lapsu tem-
poris aliam induunt faciem, debeat suscipi. Nihil e-
nim his in terris tam constans & perpetuum potest
constitui, ut, casibus emergentibus, mutationi non sit
expositum. Nov. 7. c. 2. in pr. & Nov. 69. c. 4. §. 1. in
fin. Quemadmodum autem novitates ausu temera-
rio, in unius alteriusve gratiam, non sunt suscipiendæ,
sed tunc demum, si necessitas vel utilitas eas suadeat
aut urgeat: ita palam est, quod hac in re vel maxime
ad hæc duo respicere jubeamur, quibus deficientibus,
melius iis, quæ longo tempore sunt recepta, utimur,
quam si nova appetamus. Scite hæc in parte sentit
Martin. Neurath in annotationibus ad Hippolyti a
Collibus Principem, Consiliarium &c. p. 679. Iq. quan-
do ait: *Dieses aber muß nicht dahin ausgedeutet und
verstanden werden, als wenn ganz keine Aenderung*

vorzunehmen etc. sondern daß es nicht temere, unvorsichtig, Gottes Wort zu wider, ohne Noth, Recht und Nutzen des gemeinen Besten geschehe. Si tempus suppeteret, varia exempla tam in causis publicis, quam privatis, urgente necessitate vel utilitate, noviter introducta, aut mutata in scenam producere possemus, sed chartæ angustia & tempore excludimur, ut nonnullorum solummodo meminisse sufficiat. Ex Aurea Bulla, ejusque tit. 3. & 4. liquet, septem tantum Electores eo tempore, quo illam Imperator CAROLUS IV. promulgari fecit, fuisse, cum tamen hodie duos adhuc, citra Romano-Germanici Imperii detrimentum, esse constitutos, omnibus pateat. Instrum. Pacis Monast. Osnabrug. art. 4. & 5. Conclus. trium Colleg. S. R. I. die 20. Junii 1708. & Cæsar. Decret. Commiss. die 7. Sept. dict. an. In ejusdem Aureæ Bullæ tit. 24. §. I. extat, bona reorum ob crimen læsæ Majestatis fisco Imperatoris esse addicenda: ast illud postea tempore Imperatoris FERDINANDI III. fuit mutatum, & conventum, ut ejusmodi bona in posterum Dominis territorii, jura fisci habentibus, relinquuntur. Vid. Capitulationes laudati Imperatoris FERDINANDI III. art. 28. LEOPOLDI art. 27. JOSEPHI art. 26. & Augustissimi Imperatoris CAROLI VI. art. 21. Et quem nostrum latet recentissimum in Elect. Saxoniae exemplum de recognita & emendata Ordinatione Processuali, an. 1724. publice promulgata, utpote in qua multa, si veteri comparatur, litium abbreviandarum & justitiæ

tiæ eo citius promovendæ causa, saluberrime sunt im-
mutata. Hoc, scilicet non omnem novitatem esse
contemnendam, secum ex propensissima in Faculta-
tem nostram gratia reputans Augustissimus Noster
AUGUSTUS, proprio motu de Promotioni-
bus ad Facultatem tantum, inveterato usu hæcenus re-
ceptis, Clementissime imperavit, ut Ordo noster, an-
non etiam Promotiones extra illam, ad exemplum Fa-
cultatis Medicæ, institui conducatur, & quæ ratione com-
mode id fieri queat, probe ponderet, ac desuper re-
lationem transmittat. Verba Regii istius Mandati die
13. Sept. 1623. ex Proto Synedrio Dresdensi ad Acade-
miam Lipsiensem directi, ita sonant: Auch nachdem
bekant, daß die Promotiones in Jure zu Leipzig sehr
kostbar seyn, und solches zum theil daher rühret, daß
die Promotio allezeit ad Facultatem geschieht, und ein
solcher Doctor Hoffnung hat, künfftig eine Stelle in
der Facultat zu erlangen; Als habt ihr von derselben:
Ob nicht thunlich, daß bey ihrer Facultat, als wie bey
der Medicinischen, die Promotiones, welche nicht ad
Facultatem geschehen, eingeführet werden könten, ih-
ren Bericht und unmaßgebliches Guthachten zu er-
fordern. Re a nobis sollicitè perpenſa, factaque ad
Regiam Suam Majestatem relatione humillima, Illa
non solum ea, quæ literis consignata erant, Clemen-
tissime approbavit, sed etiam ad Collegium nostrum
die 17. Aprilis 1724. tali modo rescripsit: Wir haben
Uns das, auf Unserm an die Universität zu Leipzig,
unterm

unterm dato den 13. Sept. des jüngst abgewichenen
1723sten Jahrs ergangenen Befehlich von euch am
7. Febr. a. c. eingeschickte Project: auf was Art die Pro-
motiones in Jure, zu mehrerer Einziehung derer bishe-
rigen hohen Kosten, extra Facultatem reguliret wer-
den könten, gebührend vortragen lassen; Wann wir
denn selbiges also in Gnaden approbiren: Als begeh-
ren Wir hiermit gnädigst, ihr wollet bey künfftigen
Promotionen demselben allenthalben nachgehen. Hu-
jus igitur Clementissimæ concessionis initium, bono
cum DEO, nunc facimus, atque primum, qui, ut ex-
tra Facultatem promoveatur, desiderat, publice indi-
cimus. Est ille Nobilissimus & Clarissimus

JOANNES FRIEDLIEB VOCKEL,
Jurium Candidatus dignissimus,

de cujus vita & studiis, ad instar aliarum Academiarum,
quædam commemorabimus. Natus est Candidatus
noster Oßatii, Oppido Dresdam & Lipsiam medio lo-
co interjacentem, die 2. Martii anno M DCC II. Paren-
tes, quibus Divinum Numen vitam longævam præstet,
veneratur, & quidem Patrem, *Virum Prænobilissimum,*
Amplissimum & Consultissimum Dominum JOHAN-
NEM PAULUM VOCKEL, quondam Præfecturæ
Oßaciensis Præpositum, jam Potentissimo Regi Polo-
niarum & Electori Saxonix a Consiliis Commissionum,
& superioris Præfecturæ Dresdensis Directorem meri-
tissimum, Matrem autem, eximiarum virtutum fœmi-
nam,

nam, **MARIAM SOPHIAM**, natam ex clarissima
stirpe **HOEPNERIANA**, cujus Avi paterni, **JOH.**
HOEPNERI, Theol. Profess. & Superintendentis hic
Lipsiæ, supra nostram laudem positi, memoria adhuc
viget, floret & non intermoritur. In prima ejus æ-
tate privatorum Informatorum fidei & curæ fuit tradi-
tus, cum autem ipsius Parens Dresdam ad superiorem
Præfecturam evocaretur, præter privatam institutio-
nem, privatissima **M. Gellii**, Con-Rect. Scholæ Cru-
cianæ fidelissimi, informatione usus, per aliquot an-
nos ibi est commoratus, postea vero, antequam altio-
ribus se dicaret studiis, e consilio Patris Optimi, an.
1720. Gymnasium Provinciale, quod Misenæ in monte A-
frano exstructum conspicitur, per duos, & quod excurrit,
annos, sub inspectione **M. Grabneri**, Collegæ ter-
tii, cujus in docendo dexteritati omnes, quos in ele-
gantioribus literis & Philosophiæ principiis progressus
fecit, se debere ingenue fatetur, adiit. His probe ja-
ctis fundamentis, ad superiores disciplinas animum ap-
plicuit, & propterea Vitembergam an. 1722. se contu-
lit, ibique ante omnia Jus naturæ, ex ore celeberrimo-
rum Professorum **Hassenii**, & **D. Speneri**, quo-
rum ille Synopsis Jurisprudentiæ moralis a se conscri-
ptam, hic vero **Domini Gribneri**, Principia Ju-
ris naturæ explicavit, debita industria percepit. Mox
legitimæ scientiæ totum se dedit Candidatus noster, at-
que Viros Prænobilissimos & Consultissimos, Profes-
sores & Doctores famigeratissimos, **Menckeni-**

XX

um,

um, Brendelium & imprimis Krausium, cuius singularem industriam & benevolentiam non facile prædicare potest, omnes Juris partes solide explicantes, per triennium fere indefessus audivit. Cum autem, non Scholæ tantum, sed etiam vitæ discendum esse, secum perpenderet, relicta Academia Leucorea, Dresdam se recepit, ibique per aliquot menses in Præfectura, quam Parens ejus summa cum laude administrat, ea, quæ in ipsis rerum obtinent argumentis, ex Actis publicis sibi cognita reddidit. Quo facto an. 1725. Lipsiam venit, & in hac Musarum sede tum Juris Feudalis, Canonici, nec non Publici, tum quoque Processus uberiores notitiam, præcuntibus Juris Doctoribus, Bauero, Gebauero & Mascovio, Viris de Studio laudente indies magis magisque merentibus, sibi acquisivit, eamque, sub moderamine *Viri Prænobil. & Consult. D. Kühholdi*, Prof. Ord. & nostri Collegii Assessoris, controversias Feudales ex Gymnasio Polemico Menckeniano in Audit. Petrino an. 1726. publice Auditoribus comprobavit. Paulo post per literas desiderium suum gradum Doctoris extra Facultatem assumendi nobis declaravit, modesteq; ut ad præscripta specimina admitteretur, petiit. Honestissimo huic desiderio non potuimus non deferre, adeoque fores ad hunc honorem ei pandimus. Die igitur 22. Nov. an. 1726. primum tentamen, in quo binos textus, unum ex Decret. Jur. Canon. & alterum ex Codice Jur. Civ. in pleno nostro confesso enodavit, sustinuit,

quo

quo superato, promeritam in utroq; Jure Lauream re-
portavit. Posthac veniente die 24 Dec. dicti anni exa-
men, quod vocant rigorosum, subiit, & in utroque
expectationi nostræ satisfecit. Nunc reliquum est, ut
etiam publice se sistat, & quæ adhuc restant, expedi-
at. Ea propter die Lunæ, quæ est 22. Martii lectio-
nem cursoriam ad l. 10. C. de revoc. donat. hora XI. au-
dita, recitabit, & die 23. sequenti ab hora VIII. ma-
tutina ad XI. Inauguralem suam Disputationem de O-
missione renovationis Investituræ non dolose facta, ho-
die, & præcipue in Saxonia, ad Feudi amissionem
non sufficiente, in nominato Auditorio Petrino sine
Præside tuebitur, quibus peractis, solennis renunciatio
confestim suscipietur. *Et postquam Reveren-*
dissimus & Serenissimus Princeps ac Domi-
nus, Dominus MAURITIUS WILHEL-
MUS, Dux Saxonie, Julie, Clivie, Mon-
tium, Angrie & Westphalie, Episcop. Mar-
tisburgensis Postul. Administrator, Land-
gravius Thuringie, Marchio Misnie, ac u-
triusque Lusatie, Comes Principali Digni-
tate Hennebergicus, Comes Marcæ Ravens-
bergæ & Barby, Dynasta in Ravenstein & c.
Cancellarius hujus Academiæ Perpetuus,
Dominus meus Clementissimus, Pro-Cancel-
larii munus mihi demandavit, simulque omnem & ple-

nariam promovendi potestatem, quoad hunc actum, annexa substituendi licentia, concessit: ideoque *Viro Prenobiliss. atque Excellentissimo, Domino D. CHRISTOPHORO DONDORFIO*, Facult. nostræ Seniori, ut & Curiaë Provincialis in Lusatia inferiori Affessori gravissimo, virtute accepti Diplomatis, copiam facio, ut antea laudato **JO. FRIEDLIEB VOCKEL**, præstito prius Justitiæ Juramento, in utroque Jure Civili pariter ac Canonico, Licentiati titulum, more consueto, tribuat, mox vero Doctoris axioma eidem conferat, & omnia privilegia & jura, cunctasque prærogativas, quæ Doctoribus nostris, sine tamen suffragiis & sessionibus in Facultate nostra, quibus tantum ad eandem promoti suo ordine & tempore fruntur, competunt, illi indulgeat. Quo autem hic actus splendidior evadat, Magnificum Academiaë Rectorem, Comites Illustrissimos, Proceres utriusque Republicæ Amplissimos, nec non Generosissimos & Nobilissimos Studiosos, ea qua decet, observantia & humanitate rogatos cupio, velint dicta hora XI. diei 23. adhuc currentis mensis Martii præsentia sua gratiosa & honorifica illum condecorare, & vicissim pro hoc gratia & benevolentia quævis officia & studia, quæ a nobis proficisci possunt, expectare. P. P. Dominica Palmarum, A. R. S.

M D CC XXVIII.

LITTERIS KOENIGL.

Yc 6769

ULB Halle 3
003 350 355



Sb.

Retr ✓ 9.1.01

N.C.

W 77







*de concessis promotionibus supremor. Honorum
in Jure etiam extra facultatem in Academi
Lipsiensi.*

28

PRO-CANCELLARIUS

JOH. CHRISTIANUS KOENIGK,

JUR. UTR. DOCTOR, ET FACULTATIS
JURIDICÆ LIPSIENSIS ASSESSOR,

LECTIONEM CURSORIAM,
CRASTINA LUCE,

DIE XXII. MARTII, HORA XI.

ET

DISPUTATIONEM INAUGURALEM

ALTERO DIE AB HORA VIII. USQUE XI.

A

NOBILISSIMO ET CLARISSIMO

JOHANNE FRIEDLIEB VOCKEL,

OSSATIENSI MISNICO,

HABENDAS,

SIMULQUE

SOLENNEM EJUS PROMOTIONEM DOCTORALEM,

EO IPSO DIE CELEBRANDAM,

INDICIT.

28